

名書又不可見也臣等萬無窮極欲見之心也○未時太白見於午地

○丙寅未時太白見於午地夜東方南方有氣如火○丁卯御朝講

參贊官沈彥光曰全羅道兵使金良弼以濫刑被罪受杖近來濫刑官吏等雖或被罪而旋即叙用殊無懲戒之意故自

上欲矯此弊而不贖其罪夫兵使乃二品宰相也以古者刑不上大夫之說觀之則無乃有所不可者乎

上曰以常例言之雖堂上官固不可以容易決杖也如此之事予非不知也但金良弼所爲之事非徒殘酷暴虐而已其所刑殺者乃有蔭品官故如彼爲之矣○憲府啓曰刑曹判書徐祉前爲大

司憲時所失甚關故至今不容於物論爲西班二品亦已濫矣況爲六卿乎銓曹不有公論而注擬至爲非矣今見此望以爲判尹時被駁者

指韓並擬尤爲非矣徐祉請速遞傳曰徐祉爲大司憲時所失之事予非不知也然豈可以一時之失終不用乎況今人物之少六卿僅得充

差故爲之耳然臺諫啓之其可適差○以朴壕爲議政府左參贊趙元紀爲刑曹判書○未時太白見於午地○戊辰傳曰維摩經予疑其古

文而有考閱之事故令入內而見之則乃佛家無用之書令還藏文武樓○卯時日有右珥○未時太白見於午地○己巳未時太白見於午